



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

Capvt XXXVI.

**urn:nbn:de:hbz:466:1-15617**

## & Imperij Lib. VI. Cap. XXXVI. 301

interrogantur de causa aliqua quæ ad conscientiam pertinet, sed velut responsa data ab eis penes quos est auctoritas decernendi circa materiam propositam. Quanquam necessaria futura erat auctoritas regia ad publicam eorum executionem.

### C A P V T XXXVI.

#### Synopsis.

I. An Princeps imperator possit solus executionem canonum, non expectata etiam sententia Ecclesia Gallicana. Id ius competere Principibus probatur variis exemplis Imperatorum Christianorum.

II. In Gallia vero sanctus Ludovicus eo iure usus est. Quem ob hoc misere landas Iohannes Iuvenalis de Vrissis.

III. Utinam adhuc eo iure Reges Francorum. Magni momenti est editum Caroli sexti latum anno 1418.

I. **V**ÆRI potest an ex eo quod supra canonum protectione ad Regem pertinet, sequatur eum jubere posse ut observentur, non expectata etiam sententia Ecclesia Gallicana. Certum quidem est earum constitutionum observationem fore sanctiorem, si conderentur cum generali cleri consensu; quoniam unusquisque eam rem obtainere modis omnibus cupit quam ipse suo judicio comprobaverit. Nihilominus æque certum est Regem ex sententia Consilij sui, quod auger aut minuit prout ei lubet, posse latis editis decernere ut canones observentur, ac circumstantias & modos necessarios addere ad faciliorem eorum executionem, sive etiam ad veram eorum mentem explicandam, eosque accommodare ad utilitatem regni. Ad probationem autem hujus auctoritatis extant exempla omnium Imperatorum Christianorum, Constantini videlicet, Valentini, utriusque Theodosii, Arcadij & Honorij, Marciani, Leonis, Iustiniani, Heraclij, Leonis Philosophi, & Basilij.

II. In Gallia vero, inter Reges tertiaris stirpis emicat sanctus Ludovicus, qui propria auctoritate, nulla facta mentione congregationis Ecclesia Gallicana, celebre illud editum tulit anno M C C L X V I I I . quo perfundantur novitates ab Ecclesia Romana per illas tempestates introductæ, & Ecclesia Gallicana revocatur ad observationem canonum. Iohannes Iuvenalis de Vrissis Archiepiscopus Remensis, in oratione sua ad Regem Carolum septimum, quæ citatur in

Notis ad historiam Caroli sexti ab eodem Iohanne conscriptam, laudat hunc Principem ob editam Pragmaticam Sanctionem. Dein addit: Et n'êtes pas le premier Roy qui a fait telles choses. Car qui bien voit l'Historie de Philippe le Conquerant, il ordonna le même. Si fit S. Louis, qui est saint & canonisé. Et faut dire qu'il fit très-bien. Vostre pere & les autres les ont approuvés. [id est. Neque enim primus es inter Reges qui istiusmodi constitutionem edideris. Nam & in historia Philippi Augusti legimus ipsum similiter olim statuisse. Eius vestigia asservatus est & sanctus Ludovicus, qui sanctus est & canonizatus. Affirmare autem decet illum rectè egisse. Pater tuus aliquique eorum acta probaverunt.]

III. Utuntur adhuc eo jure Reges Christianissimi. Nam licet tomos deliberationum cleri Gallicani recipiant, ea tamen tantum spectantur velut consilium & \* oratio ad Principem. Dein Rex decernit id quod lubitum ipsi fuerit; sive respondendo in margine tomi, ut vulgo fieri consuevit; sive etiam per editum, ut factum est in edito Melodunensi anno M D L X X I X . & Parisiensi anno millesimo sexcentesimo sexto. Praeterea Reges nostri condunt constitutiones pro ordinanda politia ecclesiastica ad executionem canonum; neque ullam cuiuslibet cœtus sententiam rogant quam sui Consilij, quod ex personis ecclesiasticis & secularibus constat. Ævo Caroli sexti, cum maximè frequentes erant congregations Ecclesia Gallicana, facile abstinebatur à roganda earum sententia. Quare non inutiliter à me observatum est in capite superiori prohibitionem perpetuam reservationum & gratiarum expectatiivarum, quæ adversus Curiam Romanam facta est, decretam fuisse à Rege anno M C D X V I I I . cum consensu sui magni Consilij, ad quod extraordinariè votati sunt nonnulli Prælati & Proceres, & Officiarij Parlamenti, ac plurimi Doctores ex Academiis. Ceterum editum illud ex eo capite magnificum est ad probandam auctoritatem regiam in protectione canonum, quod editum est post schisma tandem extinctum, & postquam his malis remedium adhibere recusaverat Concilium Constantiense, insuperhabitum Gallorum postulatis. Porro quod Ecclesia Gallicana anno millesimo quadragesimo sexto fieri debere approbaverat, quandiu schisma duraret, & donec Concilium generale celebraretur, id definitivo decreto Princeps decretivit post extinctionem schismatis.

\* Romanus francus

Per Regem, ad re-  
lationem magna-  
tis Consilij in ca-  
marâ Parlamenta-  
ri per Deumnum  
Dolphinum, Ple-  
narem.